

「國家社會科學基金重大項目」

何建明

主編

中國地方志
佛道教文獻匯纂

人物卷

(97)



國家圖書館出版社

【國家社會科學基金重大項目（11&ZD119）】

中國人民大學佛教與宗教學理論研究所

何建明 主編

中國地方志
佛道教文獻匯纂

人物卷

（97）



國家圖書館出版社

中國地方志佛道教文獻匯纂·人物卷
湖南省 長沙市

長沙府志

清·蘇佳嗣纂修

清康熙二十四年（一六八五）刻本

方外

智益長沙人姓吳三國時征蠻卒夫平生以獵釣爲業得白黿美而食之乃遍身患瘡潰爛痛苦號叫不可忍眉鬚手足指皆墜落未卽死乞於安南市有僧見而哀之曰汝可迴心念大悲真言吾當口授若能精進必獲善報卒依其言授之一心念誦後瘡痍漸復手足指皆生盡愈遂削髮爲僧號智益於伏波將軍宅建精舍住持

袁起後漢時湘鄉人居晨起忽大醉三日始醒起時酒氣聞數十步白云與羣仙共飲因此絕粒食

住人間數十年已而仙去事見賈善暨高道傳

青蓮僧潭州門內街北青衣寺有僧誦法華經一時
感二青衣童子侍奉後死葬塚上生二蓮花看之
乃自舌根生因建寺以青衣名攷勸善書云建興
二年長沙縣西百里有青蓮花兩本生陸地道俗
爭覲掘其地丈二尺得二瓦棺蓮出於棺之破處
斷棺視之有髑髏拴索蓮根生齒間說者曰有僧
誦蓮經十萬部不疾而化遺言使衣經服以瓦爲
棺卽此也

陶淡晉大尉侃之後少孤好道餌靈草辟穀絕慾研

窮易卜結廬長沙臨湘山一白鹿與居三白鶴常侍左右後隱湘陰白鶴山太康二年四月八日舉家上昇

丘氏女西晉人在湘鄉縣西貞女山頂修行得道而去

江氏二女湘鄉人幼性貞靜誓不納聘修道于漣崑中久之得昇仙去今其崑曰仙女崑

浮丘仙姓潘名逸劉宋時煉丹於益陽浮丘山

穿石大仙昔居益陽四方山修道後人立祠祀之

張岳清河郡人齊明帝時歷官至司空東昏侯嗣位

卷之三

卷之三

五三

失政令富人作三輪僧向後游之出知必歸掛冠
東門携家人攸縣紫巖山修煉樂天監二年闔家
八十餘口白目乘雲鶴而去後卽名其山爲司空
唐夫實宋政和皆異其事勅建道院封岳爲元素
真人遣官祀之

鄧郁之字彥達卽鄧郁子也昔與徐靈期爲友周遊
靈山南宋元徽中徐君於上清宮升天郁之徘徊
仙山歲久梁帝聞其修道而闕丹石之備詔賜物
力許於岳麓山置上中下三觀爲修煉所有神人
告語曰洞門之中是招福之鄉延生之地善記勿

忌丹成復同紫蓋峯梁天監十一年壬辰十二月
三十日有八真人乘雲車羽蓋揖郁之就自狀石
壇同昇霄漢

天台道士張元同行甚精潔住雲陽山七年嘗擊瀑
布泉石人曰汝何人石人云我秦之玉士也因小
過待罪逃此峯歲久化爲石人同又於正陽峯採
紫萼蒲饗山下人陳士華延年顯慶三年遂上昇
黃上清唐人父子四人在湘鄉五十四五都石嶺修
煉大丹旣成于景龍二年二月十五日有紫雲五
片起嶺前上清父子乘之上昇民爲立廟疫癘水

早禱之輒應

恒氏二女唐景雲二年隱湘鄉韶山有鳳凰唧書來
降嘗採藥于東臺就井洗藥岳麓僧迥登山見之
二女貽迥以紫檀香樹已而入見峯頂祥雲繚繞
鸞鶴飛翔迎二女冉冉上昇而去今遺像畱仙林
觀中

禱樹禪師唐廣德間跏趺宴坐寄衣鉢禱樹中越七
日喝開禱樹取衣鉢入攸縣大川山構慈雲寺以
居

彭幼謙本湘陰人唐清泰間寒暑惟羽褐葺陶淡舟

燼得大藥一粒餌之年一百四十餘歲後不知所之

懷素長沙人姓錢字藏真陸羽撰云疎放不拘細行飲酒以養性草書以暢志酒酣興發遇寺牆里壁靡不書之貧無紙乃種芭蕉萬株以供揮酒又漆一盤一方兩盤板皆穿自云得草書三昧棄筆堆積埋山下曰筆塚

如會曲江人初謁徑山後參大寂嗣馬祖法居潭之東寺學徒旣衆僧堂床榻爲之折陷時稱折牀會又號東寺爲禪窟相國崔公羣觀察湖南是問言

上沙州志

卷之十三

五十五

下稽首長慶癸卯歸寂謚傳明禪師

宗智豫章張氏子叅藥山密契心印開法於瀏陽之道吾師初入山跌坐一石有老人作禮曰待師久矣吾山中娑伽龍師爲開山祖也唐太和九年九月示寂告衆曰吾當西遊理無東過言訖而逝荼毘獲舍利若干建塔本山後雷電遷于石霜山善覺禪師住善化華林山常持錫夜出林麓開七步一振錫一稱觀音名號節度使裴休訪之問曰師有侍者否師曰有二人裴曰在甚麼處師乃喚大空小空時二虎自麓後出裴觀之驚怖師謂二虎

曰有客且去二虎咆哮去裴問曰師作何行感得
如斯師良久曰會麼裴曰不會僧曰山僧常唸觀
世音今基存

靈祐福州趙氏子年十五出家究大小乘教廿三遊
江西參百丈悟明大事司馬頭陀謂丈曰頃在湖
南尋得一山名大瀉是千五百人善知識所居之
處師時爲典座陀一見乃曰此瀉山主人也是夜
丈召師付囑曰瀉山勝境汝當居之嗣續吾宗廣
度後學師遂往往後七載法道大行相國裴休以
已興迎請入城咨領元與連帥李景讓奏建寺賜

長沙府志

卷之十三

人物

三

額曰密印由是天下禪學輻輳爲五宗之首謚大
圓禪師塔曰清淨

杉仙真人姓陳名皎廣東潮陽世家也初爲弘農守
後棄官修遁入居攸縣靈谷山有神異鄉民旱澇
禱之輒應廣明間跨白鶴飛昇今明月山有杉仙
廟遇旱澇祈禱如故

法華禪師初住岳麓清風峽建有石塔今基址存後
飛錫湘春門外接衆說法值異人願捨鐵造佛訪
之乃衡山王神也師擲錫卓地得鐵數百鈞遂冶
鐵鑄佛三塔一名鐵佛寺隨還岳麓示寂

緹仙姑長沙人入道居衡山年八十餘容色甚少於
魏夫人仙壇修香火十餘年子狀無侶精虔律
至誠不懈壇側多虎皆馴服數年後有青鳥如鳩
鶻紅頂長尾飛來所居語云我南岳夫人使也以
姑修道清苦獨棲窮林命我爲伴他日又言西王
母姓緹乃姑之祖聞姑修道勤至將有真官降而
授道但時未至耳宜亟修勵每有人遊山必青鳥
預說其姓字又曰河南緹氏乃王母修道之故山
又一日青鳥來曰今夕有暴無害勿以爲怖也其
夕果有十僧人持火挺刃將害仙姑入其室姑在

長沙府志

卷之十三

人物

五十七

床上不見竟無害歲餘青鳥語還居他所因徙
居湖南焉亦隨之他人未嘗會其語鄭畋自學士
左遷常州師事姑姑謂畋曰此後四緣多難人間
不可久居吾將隱九疑矣一旦遽去

太乙真君唐中年寓居於太乙寺乃上清宮也爲藥
池煉丹時收爐大行家書一待與以藥隨愈舊太
乙寺在德潤門內有僧省孤月長老知禪理乃與
之酬和後卽不知所之遺有藥池龍非今尚存
饒道亨茶陵人梁時爲縣吏日儲必送于公廨一目
小婢送饌適道亨爲上官所召婢亦疑顧不顧爲

同輩諸友藏其所有魚肉道亨至婢亦莫敢言故
獨以素飯進歸怒其妻妻曰適以魚菜肉豈爲婢
子所竊食耶道亨不察遂撻其婢殆死終莫明其
寃數日後倦於案牘偃仰間忽有蛆虫數枚自案
架跌而下驚視之乃向日魚肉已蛆矣嘆曰目前
事尚爾況爲吏棄家隱雲陽山紫微峯採藥煉丹
濟人病苦功昭著白日上昇後人卽其宅爲洞眞
觀號饒仙眞人延佑四年改爲青霞觀

證空居遯撫州人初叅翠微至洞山有省一問問如
何是祖師西來意山曰待洞山逆流卽向汝道師

長沙月志

卷之十三

方外

五十八

悟厥旨馬氏據湖南時請住龍牙其後示寂有星隕於方丈前塔在本山

齊已益陽人姓胡南唐時出家大瀉山寺性號吟咏項有癢癩時號詩囊樂山水不事請謁與鄧洛沈彬僧虛中相友善載霏雪集

蕭禪和耒陽人後唐時爲弓手俾催稅夜宿通樞家聞壁後有驚作人語謂其雌曰明日主人欲烹我以待蕭蕭本佛位中人今此作佛作人係我生命天明蕭扣其主何以待主曰烹驚蕭曰勿烹遂索驚而去不復入公門過茶陵之靈岩居焉悟性修